

բարձրութիւն քննադ Գրիգոր Ալէք[ս]յանդրովիչ Պօտէմկինին և կամ այլոց կուսակալ իշխանաց նորին վերամբարձ տէրութեան, գրեթէ աներկբայ իսկոյն գրէին կամ հրամայէին զքեզ գրել վասն դիմելոյն իմոյ դէպ ի յայդր՝ թարց իմիք յապաղելոյ: Իսկ այժմս ոչ լինէր մեզ վերատին սպասել իբրև ամս երկուս, ակնարկելով ի յարեկից մինչև ի մուտս արևու, առ ի գտանել զնորոգ պատասխան ի ձէնջ: Մի՞թէ տէրութիւն ձեր ոչ է հմուտ, որ առն ծերացելոյ օր մի իբրև զտարի երկար թուի, նաև զբարի խորհուրդ նորին, որ է յօգուտ ազգին, առաւել յառաջանայ ի ժամանակ պատերազմի, քան թէ ի խաղաղութեան, որպէս ինքնդ իսկ ըզձաւ, զի լիցի այդպէս:

Արդ, որովհետև մերձ է ջախջախումս զլիսոյ երեքգլխեան վիշապին՝ ամենազօր բազկաւ տեառն, ի սաւառմամբ և սլացմամբ շորքթեւեան արծուոյն, նմին իրի պարտէ և ազգին Հայոց, միով կերպիւ ի միս կողմանէ յատիւ հարկանել և խորտակել զսնակուշտս նորին, որ իսպառ սատակեացի և ամենևին բարձցէ յերկրէ զյիշատակս նորին: Ահա զինչ արասցուք, որ այն երկու օրհնեալ տէրութիւնքն քրիստոնէյից, որ է Ինկլիզն և Պոսան, ոչ թողուն ողորմած թազուհոյն յառաջիլ ի գործս իւր: Նաև կամին զպատերազմ գոգոել ընդդէմ նմա: Վասն որոյ ցաւիմ ի սրտէ, որ ոչ կարեմ գտանել զելս, զի եկից այդր և ծառայեցից ազգիս ի փառս Յիսուսի, որոյ զինեմք պատուական արեան նորին (Ս. Յսայեայ, 53,5), որ նա վիրաւորեցաւ վասն մեղաց մերոյ և պատժեցաւ վասն մերոց անօրէնութեանց, ի դատ խաղաղութեան մերոյ ի նմայ և նորա վիռօքն բժշկեցաք»:

Զմեկնութիւն բանիս այսմիկ զիս ոչ է անկ առ ի գրել, քանզի աստուածաբանից է տուեալ զայն գիտութիւն և ազատութիւն առ ի կարօղանալ ձեռնամուխ լինիլ գործոյն այսմիկ և խաղաղութիւն քարոզել ի մէջ Աստուծոյ և մարդկան: Իսկ ես, որ մէն մի աշխարհական զոլով, անձամբ անձին եթէ ոչ յանձն առնուցում զմահ վասն անմահին, որ մեռաւ յաղագս իմ, իսկ և յաղագս բազմաց, զիա՞րդ կամիւ իւրք կարեմք կոչիլ քրիստոնեայս, արդէն ջանասցուք կերպիւ իւրք ազատիլ ի հպատակութենէ այլագեաց և անօրէն բռնաւորաց, կամ մեղցութ արիաբար վասն անուան փրկչին մերոյ և կամ յաջողեցից մեզ Աստուած ի յառաջադիմութիւնս մեր, կեցցուք և փառաւոր արասցուք զանուն սուրբ նորա: Բայց ես նմանիլ և հաւասարիլ ոչ կամիմ կանացի արանց, որք ճոխացեալ են ընչիւք և տաղաւածութիւն, և ոչ այնք, որք ցրուեալք կան ընդ ամենայն երկիր իբրև զոչխար թարց հովուի, որ օր աւուր լքանին և նուազին՝ ոմն ցաւոք և ոմն հեծութեամբ, ոմն ի խորոց սրտի հողոց հանելով յաղագս վշտին, և ոմն անարգեալ և այլ ազգի դառնութեանց հանդիպեալ, եղծանին և նանրանան: Վասն որոյ եթէ ոչ տեառն արկեալ իցէր ի սիրտ զթաժառատ տէրութեանդ վասն նպաստամատոց լինելոյ ազգիդ և ազատելոյ նոսա ի տառապանաց անտի իւրեանց, ոչ ի Ղոիմ, ի յՕղօ, ի յՄամայէ և ի Քիլիայ, և կամ այլ ուրեք, վա՛յ լինէր կենաց նոցին, ըստ որում ասէ (Սաղմոս 11,5) «Վասն տառապանաց աղբատին և հեծութեան տնանկին, այժմ յարեաց ասէ տէր, եղից զփրկութիւն իմ և համարձակեցայց ի նոսա»: Որ և զերապայծառութիւնդ ոչ խնայեցէր ցանձոգ տալոյ ի մէջ փորձանաց և վտանգից վասն ազգիդ և ի բաց թողեր զամենայն խորժ կենցաղավարութիւնս ի Հաջի Բարխան քաղաքոց զխնձոյս և զցնծութիւնս զհամադամ կերակուրս, զսնուշաճամ զինիս և զպէսպէս քաղցրաւեանիս, այլ ընտրեցէր ի վիշտս և ի նեղութիւնս լինիլ վասն ազգիդ, քան թէ ի խաղաղութեան և յանդորրութեան, յաղագս անուան նորին բարձրելոյ, որոյ հաւատարիմ պաշտօնեայ կարգեցար և նախնի սրբոց հարցն մերոց նմանեցար: Չափազանց ուրախ եմ առ ի լսել զլուր յաղթութեան քրիստոնէից ընդդէմ թշնամեաց խաշի Քրիստոսի: Երանի թէ մարմնոյ աշօք տեսանէաք իսպառ սպառ կորնշումն նեոնասարաս տէրութեան նոցին: Որպէս լսեմք աստ ի հեռուստ:

Նա ևս հազար անգամ երանի գերամեծար տէրութեանդ, որ շնորհիւ քննադ Գրիգոր Ալէքսանդրովիչ Պօտէմկինին, արժանաւորութիւն ես ստացեալ